

四庫全書

集部

欽定四庫全書

御製詩初集卷四

古今體一百首 庚申二

秋日奉

皇太后駕幸南苑即事八首

歲荷

天恩慶有秋欣陪

慈輦駕龍輜如京畿甸風光好萬戶歡聲夾道周

虞人建幟甸人隨南苑秋清好獵時閱武此來魚省斂
香風餅餌拂旌旗

萬物熙和大造中郊原輝映苑門紅承

歡仰識

慈顏豫祇為

天恩錫屢豐

羽衛森翹出帝城順時清蹕此巡行金吾底事頻傳警
便欲周知閭巷情

十里秋光伯席畫一鞭斜日踰鷹臺衆中掄得穿楊手
琥珀光濃賜御杯

扈從長承

愛日暉五雲高捧鳳輿暈問

安戶外親調膳手射郊原鹿正肥

離宮月影透書窓法曲時聞畫鼓聲題柱吟餘思往事
不知絳蠟炮銀缸

從來稽古戒禽荒宵旰勤勞敢刻忘惟樂正饒還止輦

屬車侍從有東方

秋夜南苑行宮懷舊疊前韻

松菊迎人似有情
離宮月朗正秋清
舊題乍展懷重繫
新句頻拈興轉生
吹籟疎林金氣肅
透窗寒影玉鉤明
倚吟驚破紅塵夢
嘹唳天邊雁字橫

閱馬

平原草色著霜初
試閱天閑萬乘餘
鳳耳臨風多駭駭
龍鬣耀日有驍魚
漫誇唐牧張千錦
何用周王歷八虛

燕市驪黃掄選遍遺材猶恐伏鹽車

南苑雙柳樹

南苑雙柳樹昔年何蔥菁兩株立平原千絲織晚晴因
循失其一獨樹若無榮至今行人猶道雙柳名豈無
補植者枯萎率不生嗟哉草木質尚有相憐情徘徊不
能去長歌代柳鳴

咏盆中小菊

寂寞東籬種移陪淨几芳亞盆舒冷艷擢秀先重陽辭

圃霜羞傲窺簾蝶任忙花師能位置偏稱小松旁

夜雨

浙瀝聲傳三寸雨
琳琅韻響幾枝桐
寒更敲枕渾難寐
念在茅檐鄙屋中

桃葉落

芳園秋始半
衆木森疎繞綠陰
正如滴叅差青未了
擎舟尋桃溪
忽似三秋杪
葉落餘枯枝
風動驚飛鳥
榮悴一何殊
其理殊未曉
菊有一圃師
鄙言含至道
云當三

春時此花開獨早

秋蝶

金風蕭颯吹離落紫花濛濛抽萼弱何來雙蝶弄午暄
栩栩深叢間且樂夜寒白露零秋英芳菲徒憶三春榮
君不見千年鶴立青松頂不逐春融耐秋冷

郊外即事

三秋野景寥天迥一抹斜陽晚照明
寂是豐年饒氣象
村村社鼓慶西成

霜落平原好合圍無心殺獸玉鞭揮愛觀富有千村景
兩字探原食與衣

郊圻犬吠雜雞蹄策馬霜華點素袍收穫纔完仍播麥
田家四季搃勤勞

射鹿行

金颶獵獵吹旌旗秋獮試合平原圍平原有鹿碩且肥
呦呦母子相追隨虞人甸人爭逐之小鹿跳躍雖無知
老鹿顧復獨含悲念彼物類猶仁慈爰命解網任遠馳

匪余小惠拯其危物亦有倫人胡遺嗚呼射母不射子
明帝雖賢全半美

田舍

田舍紅門外揮鞭日影斜
繞村流曲水壓架剩秋瓜
板寒敲圓繅車夜績麻
勤劬有餘樂官稅早輸衙

德壽寺古鼎示僧

暉暉曉日射祇園
一滴曹溪覓法源
古鼎無言傳妙偈
何須方丈悟風旛

絕句八首

東望颺晴烟西來雨陣懸
勒馬看天色陰晴會一川
野菊小於鈴家菊大於盃
今朝馬上看隨分作清伴
棘刺牽人衣剪棘衣裳破
不如驅青驄遠向平沙過
雨過溪聲壯風來樹影搖
一羣寒鳥亂幾箇戲魚跳
小徑曲通邨秋壺挂短垣
熙熙皇古世欲咏已忘言
野雞啄枯草偶雁網與羅家
雞飽稻梁鼎煮一何多
白露冷為霜寒叢秋豔萎
溪岸轉蕭疎剩有碧潭水

金風來西北
籟聲響萬竅
風收萬籟無
誰識其中妙

晚

鳴笳催落日
畫鼓震金風
馬應傳呼聚
天臨曠野空
轅門羣衛肅
席帳列燈紅
武備從來整
時巡制亦同

懷舊戲作

當年頗有少年心
上馬飛馳下馬吟
今日殷憂勝瀟灑
壯懷減却香難尋

雨二首

細雨落還止油雲斷復行當秋著物冷灑迥織絲明溪
口添新漲簷牙續舊鳴未朝直北望天淨五雲城

麥隴綠菲菲秋苗潤更肥因風鳴浙瀝入夜聽霏微此
際方增冷何人未授衣先民憂樂切詎隔九重扉

孤雁

關塞勞來往孤飛意不舒猶知失羣恨漫憶寫空餘飢
怨衡陽月竒傳漢使書寧同衛公鶴空自駕軒車

彰儀門

彰儀門外城墻下土壘背城面平野上留方孔下孔圓
不知此是何為者翁有老翁指點言傳聞詎識實與假
明代堵築防流賊孔以施礮壘拒馬少時見壘已傾頽
荆榛櫛比知者寡我聞此語興咨嗟感懷欲置不能捨
勝國君臣守禦嚴即今胡為屋其社由來守德勝守險
地利不如人和也長歌一曲非誇強周鑿在殷殷鑒夏
庚申仲秋丁祭

先師孔子

法

祖恢文德崇儒禮

素王晨光開輦輅
露氣浥旂常
寅祀心恒凜
丁辰日止
陽皇皇陳禮樂
肅肅對宮墻
言念百王後
身登

夫子堂君師誠有愧
仰止志方長

盆中竹

未改渭川質
遙從淇水分
影搖銀燭亂
籟藉竹爐
熏凭
几坐清晝
忘言對此君
託根非得地
漫想勢干雲

皇考實錄聖訓告成恭紀長律四首

儒臣橐筆久摩研

赫濯聲靈信史傳法則昭垂千萬禩

勤勞想見十三年誠孚度索懸種地象應聯珠合璧天
實錄拜觀欽

陟降衷忱可勝凜冰淵

實錄端惟實政書敢將繪綵飾空虛推車有賴賢全網
折檻無煩羨早除敬凜盤銘

湯刻器試揮薰雅

舜垂裾紹

庭難繼勳華盛幾度沉吟訪予

詎止刑清政亦清德威惟畏德明明列卿朝退宵書思

野老春深晝課研共仰

精勤周庶物可知

恩澤沛寰瀛趨

庭早識綏猷本一字書紳道在誠

音容五載隔雲天
乍捧琅函淚湧泉

提命無能窺蕩蕩
續承有志矢乾乾
萬年孫子歛堂構
四海謳歌被管弦法

祖敬

天心不已千秋徽懿映瑤編

九月初八日作

沿階菊蕊綻新黃
淨洗秋霖散冷香
日暮霏霏猶未止
只疑風雨過重陽

重陽

一夜雨廉纖新晴景倍添日暄烘菊蕊雲散露峰尖秋
色重陽勝詩題即事拈登高堪眺遠四面捲珠簾

秋深

霜重踈林楓葉丹菊心勻絞蕙心殘已知物理同周夢
愛著裘衣勝楚紈天地無情秋亦老溪山不盡畫應難
却裁新句閒消遣一曲商風倚石欄

中夜

中夜園林靜徘徊獨散襟漏聲傳閣上蛩語咽墻陰化
理慙無術憂懷轉不禁松梢一片月照我為民心

恭閱

太祖

太宗

世祖

聖祖

世宗實錄聖訓告成敬紀五言排律二十四韻

豐沛貽謀遠

天人應德同明網方掃地

帝願寶維東用淨櫬槍氣徐開闔闔風麻凝

皇有極德厚

祚無窮開創駕千古驅除僅一戎三韓恢

舊業萬國仰

重瞳爰布明堂令方吹嶰谷筒順時敷異命馭物凜

乾衷往者滇南亂曾煩八陣攻運籌盡伊呂奮力摠羆

熊奏捷憑邊將

頌恩自法官平成歌

聖德熙皞戴

神功道洽陰陽序時清禮樂崇詩書延俊秀

恩澤被昆蟲茹拔交成泰芒銷象應豐戎行甲沾酒村
婦乳孳童六十一年久

皇天帝治隆春秋旋氣運張弛協

蒼穹日昃猶

勤政民安更省

躬懽呼遍白叟聲教屆烏蒙緬想承

光烈端惟予幼冲紹

庭勵初志推斗賴羣工成憲猶堪鑒孚誠或可通永言
欽

陟降勝似拜崆峒

晚圃

晚圃蕭疎甚秋光亦可吟
桔槔閒井畔蟋蟀聚牆陰
蔓

老霜壺墜花稀風蝶尋白駒驚過隙撫景愧君臨

讀杜子美集有感

男子妬名祿女子妬顏色古今坐此病幾喪人家國不
惟庸衆流英才每被惑卓哉少陵翁獨能秉謙德當時
言詩者非甫則云白觀其寄李詩自謂如不及其實蔣
粟言何用誇竒特茲人嗟已往誰得其正脉獨嘉不伐
心永言以為式

心遠閣秋眺示大學士及南書房翰林等

一拍當人前不見泰山高離婁閉目時詎可察秋毫至
人用心鏡萬物不能逃王者明四目智燭良獨操茲閤
名心遠寓意豈在遙結構山之巔俯仰近雲霄况值三
秋深天氣高沈寥葉落萬林疎憑眺心神超伊余有遠
思匪戀物華撩或情有壅蔽或民嗟苦勞或賢當登進
轉令在下僚或時雖小安遽益志氣驕見理有不周愆
尤自此招辯言有未當是非致混淆心遠之謂何豈謂
盼荒郊即事因自儆此樂非遊遨

秋日侍

皇太后幸靜明園奉

聖母命敬成長律得佳字

翠羽金輿拂曉排
離宮別館到秋佳
野花隨輦如春半
行漏依人報午牌
霜色風光凝罕畢
山容水態卷軒齋
慈顏悅豫陽和暖
薄海同傾愛日懷

九月十八日立冬

閏月催時序

是年閏六月十五日立秋
七月節七月以後節皆早

秋深早立冬候

風因驗政

欽天監每以交節時風起何方驗政治得失

辨日每占農人跡霜

華重山巒黛色濃園林零落盡徒倚眇蒼松

昔聞

昔聞盤山側有谷名席里白額任縱橫居民皆遠徙有
一雲水僧結菴山之北夜坐悟無生曉起擔柴水忽然
一席至是僧瞋目視孽畜胡為來速去斯可矣席果掉
尾去如聽彼指使自此衆鄉民號之為佛子僧亦自謂
神其實無他技無何席復來吃之厲且訾遂逐行近前

僧憇乃拜跪四鄰爭赴救席去僧早死方知浪得名前
番幸偶爾有名無實人可以鑒諸此

紅葉

爛漫踈林九月時淺紅深紫著枝枝穠含秋色闕全畫
艷奪春光杜牧詩通野望來張幕合沿堤觀去刺舟遲
可知留殿園林景珎重韶華是女夷

刻漏

刻漏響丁東朝昏轉不窮報時高閣上典學寸陰中幾

勅觀心放憂深念位崇宵耽耳目好玩愒過年豐

玉泉山秋望

葉落邨樹稀山瘦秋容老偶來步巖磴霜跡羊腸繞黃
勻莎草坡丹襯楓林杪是時西成畢田家獲萬寶却見
塲圃間比櫛誠羨好稍喜衣食足猶慮追呼擾先憂後
樂心未許侍臣曉

永定河云有故道由中亭玉帶以達津歸海總督

孫嘉淦建議䟽復及時興作覽奏水已循軌民

情歡躍爰成一律

永定原無定千年衛帝京有源安可障無事自然行玉
帶清流合中亭故道并祇台恒自凜宵旰望平成

御園秋深

雨餘涼轉峭徙倚日三竿秋老山川淨林踈天地寬蛩
音鳴節晚魚躍怯波寒消息憑元化忘言仔細看

漏聲催日影倏忽過窗前霜履誠堪念秋闌亦可憐登
山應蠟屐載月漫開船一卷長隨手幽風七月篇

冷

嚴霜催氣肅暖日上牕遲百卉繁華歇三秋節候移生
憎棉絮薄無那朔風吹寂念茅檐下祁寒怨者誰

題唐岱做各家山水畫冊

萬柳含烟

宿雨朝烟二月時輕黃嫩綠一絲絲却教少婦愁添乍
無那王孫歸意遲窄地欲迷芳草路因風時弄小腰支
扁舟刺處春何許蘸影如油上下宜

萬頃恩波

浩渺含太虛一色琉璃影畫師創新格恩波圖萬頃故
知寓意深筆諫吾須領惟予牧萬民馭朽恒自警或理
有壅蔽或政過寬猛或民怨飢寒或時有灾眚慮澤不
下逮中心常耿耿披圖鑑已切愈以發深省

萬笏朝天

遠山插笏曾無數黛色參天正近秋寂愛茅菴坐清晝
琤琮常聽瀑泉流

萬松登翠

王蒙真蹟無半紙妙處何人得神髓尺圖重寫萬松真
生面蒼蒼喻非指勁幹蟠拏偃蓋高虬龍深夜因風號
緬想山中高卧客柴扉靜掩聽寒濤

萬點青荷

清和風景別桂棹漫開船傍岸試新屐沿波疊小錢因
風時泛泛映日故田田極目蒼茫外琉璃破曉烟

萬林秋色

黃葉紅葉綺錯山色樹色霜勻不必詩誇小杜恍疑人
在三春

萬壑祥雲

萬壑祥雲滿千林瑞色籠可堪廊廟見只合畫圖中

萬水朝宗

君不見廬山瀑布三千尺萬古銀河倚天碧又不見龍
門初闢神禹功九曲滔滔終向東是知觀乎海者難為
水披圖更悟其中理琤琮萬派皆朝宗澗壑淵淳清且

泚我獨悠然吟興豪會心在此原非此

萬竿烟雨

有猗者竹在彼渭川乃含宿雨乃帶朝烟其色維何非
媼非妍其音維何非管非弦有客坐對羌民之先其屋
何有四壁蕭然其手何持道德一編逸民也歟吾何得
而致焉

萬峰瑞雪

漫空飛玉屑插漢列瓊瑤寒澁溪流斷水凌楓葉凋石

磯間釣艇古寺閉僧寮有鳥巢枯樹無人過小橋皚皚
迷萬壑密密布三霄滕六分明在雲深不可招

秋夕齋居

玉漏迢迢夜漸長心因幾暇轉徬徨忘言獨憶誠和理
不覺金猊篆炷香

賜總河高斌

禹功萬古仰平成疏濬隨時賴俊英淮浦建牙資保障
黃流奏績久澄清息機早是無穿鑿順性猶然矢樸誠

潘靳嘉猷編簡在

期潘季馴本朝新
輔皆能治河者

千秋惟爾繼賢聲

十月朔日頒時憲書

九瀛咸奉朔四海正同文禮特遵

先制時惟授大君令頒懸度地澤被鷺鷥羣欽若心恒
凜釐工政益勤

庚申孟冬恭謁

秦陵敬成六韻

音容五載隔思慕百年深徒抱終天恨何堪過隙陰韶

庭方有志撫序敢忘欵松柏森元路雲霞護碧岑

鼎湖驚痛定

冠劍式如臨佇立瞻霄漢空餘泪滿襟

良鄉道中

白日澹空原黃沙捲去轅愛者風擲麥驚起兔藏垣稔
黍堆寒圃牛羊下暮邨前驅漫傳警欲酌小民言

寒雀

驅車涑水道野曠風蕭蕭日出嵐霧歛邨木森寒條凍

雀三五羣依依棲霜朝晚穗收穫盡飢寒苦無聊啾唧
如鳴悲春陽愁正遙野鶴翔高空清唳響雲韶霜翎耐
巖冬稻梁不可招或時斂翮下千尺長松梢俯視衆寒
雀嗟哉爾徒勞

過水東邨怡賢親王塋有感而作

一德叨

恩寵宗臣事業恢敬誠

天語定明達性根來長想功垂冊徒傾酒滿杯依遲傷

物化况復謁

陵迴

日暮

日暮遙山斂翠微
慢城燈火徹宵輝
馬嘶平野聞呼聚
人指高竿覓路歸
行漏明分甲乙夜
封章獨勅萬千幾
時巡到處闕民瘼
豈為嬉遊騁六飛

月

天空烟影淡夜永
月輪寒照野宜行
旅流光逐馬鞍分

明銀漢濶遮莫客途難
帟帳拈吟處悠然興未闌

野老

野老扶鳩杖相逢詢歲功
翠華渾不識猶有古民風

古寺疎鐘

月上前邨鐘乍鳴春容斷續
一聲聲早知幻有皆虛夢
逸思推敲空復情

古墓

青燐夜照墓門紅苔長殘
碑字半蒙冷泪滿匡翁
仲雨

悲號四起馬牛風那知觸景傷行客漫慮樵薪有牧童
未至為田非較勝滄桑屢變古今同

夜

入夜人聲靜霜鐘古寺擬燭天明野燒如豹吠邛岷理
欲猶堪驗憂忡孰與降裁詩非遣興蠟燭小檠缸

御園初冬

軒齋亭午日暄妍一弄明牕暖更鮮漫惜園林饒寂寞
青山黃樹小春天

曲池風定曉來冰漸暖陽和散復凝恰似玻璃鋪鏡面
祇堪觀玩不堪憑

獸炭初紅愛地爐封章頻問到來無分陰應惜窮陰後
一字常懷敬作符

鏡

人以鑑妍媸我以鑑臧否摩挲照膽寒莫使纖塵索

賜尚書史貽直

中樞掌九伐峻望近三台經畫資心膂訂謨佐鼎梅常

存葵藿志不愧棟梁材書思恒繩糾嘉猷佇獻來

賜尚書那蘇圖

分署列西曹明刑重任搽體予欽恤意嘉爾匪躬勞劬
佩環宸極網維領俊髦好生前訓在師法是臯陶

讀孫樵大明宮殿賦

喜聞祥瑞厭聞災只為迷雲撲不開短賦喚醒千古夢
始知方朔善俳詼

芟樹

園中植衆木叢生各向榮成陰蔽庭軒弄影交枝莖檜
棘尚不分砭砭終混瓊當此墮穉時本質一以呈繁柯
紛雜揉芟削令其清良材被隱遮去之不留停稍稍施
人力便覺助山靈綠梅三冬姿青松百尺亭譬彼稂莠
除嘉禾乃勃生芻人為我言其言似可聽物物具生意
枝枝含勾萌一朝別去取厚薄殊失平我聞初諾之細
思吁可驚若存姑息心未達此中情

曹知白羣峰雪霽圖

千峰餘積素萬壑鬪新晴
牕色明螺菴溪聲雜玉鳴
林踈噤鳥語逕冷絕人行
消得陶居士茶鐺著意烹

題宣和谿山秋色小景

雨郭煙村白水環迷離紅葉間
蒼山恍聞谷口清猿嘯
良嶽秋光想像間

夜靜觀書

看書如看山其境日日殊
隨境不會心多聞不如無
况乎辨治亂因以別賢愚
豈徒誇英華言行須同符
念予

志學時所慕君子儒詩亦尊李杜文亦宗韓蘇要歸踐
履實聖賢非我誣即今持治柄豈不慕唐虞措行始知
艱慮為空言徒裁詩銘座右庶幾日警吾

蘇軾偃松圖

東坡先生倔強人畫禪筆陣皆相似秃毫特寫老松枝
老松枝偃性不死譬如壯士頭可斷古心勁節焉肯毀
磕敲應作青銅聲虛堂謾寒濤起

冬至齋居

消息初陽復

南郊大祀臨一表思

帝載至日見

天心丙夜幾常勅齋居念轉深燔柴將對越惴惴敢忘
斂

冬夜盆梅

不必待明月依然見
美人寒香凝篆縷破蕾貼花茵
得句思前詠
耽梅是宿因
剪檠相對處清絕兩無塵

冬至次日

慈寧宮行禮

霜薄觚稜旭影浮彤墀拜舞動旗旂初陽暖律迴葭管
亞歲祥光繞鳳樓萬國歡心同孝養六宮

壺教霈恩流年年宸喜稱觴日常近增添海屋籌

吾弟和親王誕辰詩以壽之

華萼同枝氣本親
鵠原分豈隔君臣
願予作后多乾惕
知爾維城亦苦辛
緬想飛觴桃李下
已看流駛歲時頻

喜逢綵縷添長算立字母忘望汝純弟亦三十
歲故云

題顧愷之洛神圖

賦本無何有圖應色即空傳神惟夢雨擬狀若鷺鴻子
建文中俊長康畫裏雄二難今並羨把卷拂靈風

左都御史王安國出撫粵東以伊父年屆七旬奏
乞封典特允所請並詩以賜之

憲府栽冠際巖疆駐節初仁風敷嶺海慶日永庭除紫
鳳忻啣誥斑萊試舞裾更希臻上瑞舉世樂華胥



御製詩初集卷四

欽定四庫全書

集部

御製詩初集卷五
六

臣永瑤恭校

侍讀臣孫球覆勘

總校官原任中允臣王燕緒

校對官學正臣李巖

謄錄監生臣黃嵩齡

欽定四庫全書

御製詩初集卷五

古今體八十八首

辛酉一

辛酉元旦

律轉三陽泰天開大造春
共球朝萬國垂拱御元辰
木德方臨甲金穰歲在辛
所期寰海內熙皞戴鴻鈞

上元節侍

皇太后宴恭紀

風光午夜漏聲沈霧擁金暈瑞靄深仙樂盈空

王母降花燈徹旦上元臨歲呈豐稔歌頻祝

壽獻岡陵酒滿斟更喜

天恩飄六出金蓮萬朵映瑶林

恭讀

皇祖聖祖仁皇帝聖訓見蠲賑之政歲不絕書用培我
國家萬年元氣世世子孫所當奉為法守也

當宁開千禩承

天御八埏恫瘼勤保赤宵旰
祈年歲歲頻蠲賑殷殷
切惠鮮湛恩周部屋大政紀
瑤編家法猶然在孫曾試
勉旃萬年培國本捧讀倍乾乾

正月二十七日雨

春暖雪為雨

天恩兆有秋布空雲似幕灑地澤如油
倚聽聲猶細憑觀勢更悠
土膏萌動日樂事在田疇

冰泮

初春時節散晴暉
蕩漾新波鴨綠微
乍解流澌漂玉片
且遲蘸影語金衣
午暄檻外觀魚負
天淨湖中有雁飛
擬向名園問風景
耽遊還懼此心違

春日載陽土膏滋潤
努力東作正宜其時
既命各
省督撫勤宣朕意
其有籽種不足者
量借予之
又成此詩以示重農務本之意

去年冬雪少塵懷
殊未置入春稍釋憂
霑足叨

天賜更喜遠近同
優渥遍大地東作此
其時可不盡人

事因命岳牧臣共勗
勤宣意督耕策其惰
借種施以惠
唯此重農心匪慕
驩虞治

因齋戒進宮見路旁
春耕者喜而有作

荷鍤春耕正及時
停鑿一覽喜應知
茅檐亦有龐眉叟
扶杖來省力穡兒

平林布穀未催耕
亞壠來牟綠已萌
何用金吾呼警蹕
勸農一幅畫中行

讀朱子全書

少時慕才華研精味辭藻微言探月窟逸興橫雲表措
思每廢餐兀兀忘昏曉雖云俗慮無却被詩魔擾至理
在目前棄而求深窈曠蕩無所歸悵悵盈懷抱近讀文
公書習氣從茲掃因知九仞山一簣功不少作此聊自
訟詎足云見道

春夜聞雁

春夜漏微長春眠枕尚涼數聲聞雁信幾處歷江鄉為
愛天邊月非傳塞上霜衡陽隔千里來往為誰忙

賦得草色遙看近却無

極目芳郊綠漸萌
輕烟細雨若為情
却輸書帶縈牕細
暫借波紋貼地平
通野望來猶荏苒
停鞭覓得未分明
漫言春色曾無定
萬有都從箇裏生

弘德殿

高閣傳銀箭
朝暾散綺䟽
憂心周部屋
豈隔九重居

辛酉仲春祭

社稷壇

秩宗尊百祀，斂福錫羣黎。典重

明禋盛，心殷望歲齊。牲牲陳俎豆，南雅奏金華。六出新
飄瑞，公田正好犁。

春水

溶溶出御溝，曲曲繞龍樓。弄影澄清照，因風響細流。涵
空天作底，湛色綠於油。一派恩波似，還思與物周。

上苑初春

堆秀山前桃始華，延暉閣畔柳絲斜。晴光搖颺金城曉。

花色分明玉砌霞瓊苑初停青帝轡瑤臺欲綻鼠姑芽
却將底事消幾暇淪茗翻書趣轉賒

辛酉仲春經筵親詣

傳心殿行禮敬成一章

布治遵

前矩崇文御講筵先期修

祀事親詣致心虔禮樂薄殷夏經綸在簡編執中恒自
凜敢曰繼薪傳

書法中最喜黃庭堅筆意因而有作

羲之稱書聖諸體無不有齊梁作者無李唐推顏柳惜
哉世已遠贗者十之九宋元差可尋翰墨出親手幾暇
戒宴安時或遊藝數就中名蹟影惟愛魯直叟個儻無
安排瀟灑絕塵垢譬如百尺松孤高少羣偶信筆一規
摹運腕忘妍醜所師在神勁詎論形肖否伊余有深意
筆諫曾謹守好尚苟不端喪德良已厚所愛汲黯慙裁
詩銘座右

山桃始開

鴻鈞鼓大冶萬物被甄陶條風細以吹漸覺物華撩輕
黃染柳絲新紅綻山桃尋春初見之嘉爾占青韶沐雨
猶娟娟映日方夭夭物理有如此四時嬗榮凋伊余惜
分陰食旰而夜宵學期尊孔孟治擬法陶姚究之實際
難裁詩空自嘲

戲擬春思四首

昔年春思杳難尋祇覺憂懷歲月侵未闕封章先預度

郊原曾否足甘霖

戶外條風取次吹不知曾過幾番兒
好將花木占農候
愛煞輕黃嫩綠時

風流潘令花為縣
個儻蘓翁雨作亭
試擬新詞評萬卉
紅紅只合讓青青

御柳宮花咽語禽
等閒春色不關心
辛勤東作期方始
未得從容杖策尋

唐岱做郭熙山水

丹巒翠峯萬重深古寺踈鐘度遠林最愛河陽瀟灑處
濛濛雲氣濕衣襟

二月十二日經筵

金門旭日麗初晴講席春和盛典行啓沃久登黃閣老
探研今對玉堂卿祇應風化孚民俗漫道平康起頌聲
猶憶昔年

庭訓切書紳一字道惟誠

花朝日侍

皇太后遊宴御園

上苑韶華正可憐
瓊英珠蕊幕祥烟
人遊愛日春方永
物被和風色轉妍
織錦絲垂亭畔柳
流霞杯送水中仙
欲知

色養歡無限只在

慈寧輦轆邊

仲春雨景

翠華搖颺出皇州

是日幸圓明園

細雨清塵潤麥疇
最喜如膏

利東作歡情不為暢春遊

御園花事正穠和恰稱平明宿雨過霞錦緋桃新似濯
烟絲綠柳欲生波

乍雨乍晴春事好

今春時雨時暘為數年所罕規誠浩蕩天恩也

宜詩宜畫

物華殊珠簾四面圍紅綠一葉輕舟泛御湖

幽風圖畫北村便一覽春耕倍適然饒有山桃排兩岸
也分時雨潤紅鮮

春池泛舟

一篙新綠漾波明
蘸影金絲弄午晴
不舍如斯觀妙道
載舟可譬察輿情
湖山入畫迎人翠
鳧雁當春得意鳴
不是嬉遊廢宵旰
每從物理驗生生

清明日

雍和宮行禮感成長句

六載流光逝水同
悽愴孺慕思無窮
當年侍

膳濯龍沼此日含
哀興慶宮祇擬承

歡春夢裏可能聆

訓午庭中徘徊欲去還留在無限悲雲滿碧空

養心殿杏花

託根依玉砌綻蕊臨珠殿却羞欺雪梅小試宜春面
案香風度簾晝靜霞明扇方塵
部屋憂未擬華林宴

辛酉仲春耕藉

布政宜敦本當春乃勸農
良辰耕帝藉膏雨遍畿封
輦路華旌映城闔瑞靄濃

明禋先致享

神格益滋恭耒耜青箱列公卿法服從三推親竟畝百
室願如墉

皇考貽謨烈齋宮著肅雖無湏陳夏諺即此仰

堯蹤

讀明史

幾餘何所樂書史案頭橫稽古徵文獻詮時驗治平百
年民物盛一代紀綱呈撫卷增乾惕還垂殷鑒明

關聖祠

蕭寺疎鐘引客尋，覆階松柏綠森森。
壁圖省識風雲氣，天漢長懸忠勇心。
繞屋竹風翻妙偈，當空水月滌塵襟。
苾芻為紀生平蹟，饒有閒情論古今。

暮春望雨書懷

幾片輕雲散作霞，炎風時捲土兼砂。
不須羯鼓催花放，未足甘霖懶看花。

暮春喜雨

膏雨優而渥，油雲散復凝。
生機蘇麥壠，瑞氣遍春塍。
淨

洗天光碧釀薰花氣蒸敢誇誠敬格省已益兢兢

初夏幸靜明園

雨足林巒偶一過離宮別館玩清和紅迎列仗雲霞麗
香繞遙村餅餌多泉奏琴音流砌畔風傳梵響度巖阿
侍臣誰獻相如賦止輦還聽野吏歌

初夏雨景

一夜甘霖沛澤流朝來點滴勢方稠桐孫綠嫩重經洗
魚子黃肥盡欲浮濕潤侵階疑溽暑峭寒著體訝新秋

倚吟無限心中喜
麥壠芄芄正似油

玉壺

玉壺銀箭送聲聲
暘谷纔升旋質明
莫使分陰容易過
獨將書史驗生平

園中芍藥盛開恭奉

皇太后遊宴

公田膏澤足上苑
翠華移喜觀

慈顏豫欣依愛日
逢錦叢迷映蝶綠
萼綻胭脂堪作花

王殿疑逢夢雨祠穠華天與麗芳馥夏偏宜曉露凝珠
彩如擎獻

壽卮

玉泉柳

玉泉一株柳臨水弄晴絲遊魚驚避去疑是釣竿垂

細雨

細雨廉纖勢正長清和膏澤被羣芳油雲出谷藏山色
亂點飛空接水光萬頃黃添麥穗潤千畦綠重稻苗香

宵衣對此增乾惕敢恃豐年樂阜康

日暮

雨洗天光碧日射霞彩爛
駕鶯飛意閒蛙蚓鳴聲亂
西山入綺疏流雲時聚散
靜觀物我皆如如龍團細試供清玩

櫻桃

綴林珠寶滿帶葉玉盤盛
消熱憑新蔗偷含引早鶯
錦江曾有句樂府舊傳名
絲籠頻頒賜因聯上下情

燈

騰輝照綺席散彩當珠殿馥馥博山香遲遲玉漏箭影
射桃笙流華映鰕鬚絢九枝非所貴分陰誠可羨方勵
赫膏志敢卜通宵宴剪葉閱奏章毋使目光眩

初夏日聞鶯

雨餘新綠林初鎖風傳曉曉聲聲可臨流度陌弄晴暉
柳絲花片紛婀娜何處傷春不忍聽誰人求友最關情
雙柑斗酒兩無賴絲絲孤竹空復鳴叅差流韻紗牕綠
金猊半地蘭煙馥想見茅檐力穡人當作村頭呼布穀

觀魚

曲池風縠靜綠水鏡光平
在藻悠然逝依蒲自在行
網眾從未入鱗鬣不須驚
依檻知魚樂微吟驗物情

麥

平疇膏雨足夏麥芄芄美
良苗將秀時翠浪翻數里
朝曦淡以暄珠露垂累累
緩騎盼綠畦香風扇餅餌
祈年廛淵衷敬誌心中喜

四月二十一日聞蟬

庭柳陰陰綠絲重柳下風莎翠波送官將遊覽遣幾餘
案頭卷帙資洛誦何來嘒嘒一聲蟬高枝流響韻悠然
幽情斷續如重訴坐令嘆息驚流年我聞光陰等逝水
又聞天地齊一指枯枝餘蛻可憐生新故遷流揔如此

見鋤禾者

亞瓏新苗草半封三耘豈憚汗流胷庭羅玉食誠多愧
終歲辛勤只老農

曉起

首夏曉猶寒，閒庭澹風露。一輪初日上，紅映東林樹。徘徊試瞻眺，雲巒互吞吐。鶯聲得得來，花事堂堂去。念茲過隙馭，朽尤堪慮。憑軒待奏章，玩物非所慕。

詰

暢春園

皇太后宮問安

窄地青絲兩岸圍，鷗波雲影漾朝暉。輕舟喜近瑤池境，芳甸初開玉版扉。却憶

含飴心切切

暢春園係
皇祖臨幸地也

每親

色笑樂依依敬承孝治尊

家法長奉

慈寧禕鞠輝

賜直隸總督孫嘉淦巡邊歸覲京師

歷知天塹玉關雄夏壠經行餅餌風堂陸漫言勞逸異
歡生望歲此時同

圓明園初夏即景

綠陰軒庭晝影移
清和時節午薰吹
巢殘舊燕啣泥補
聲澁新蟬度柳遲
逸興惟憑佳句遣
憂懷未許近臣知
日長幾暇翻芸簡
還似當年下董帷

秧針

綠水盈疇遠若無
新秧似插荅公鬚
翻風貼貼疑鋪毯
帶露灑灑欲貫珠
翠穎透波光潑灑
青鋒著雨意舒蘇
勾芒奪得天孫巧
刺出豐年一幅圖

榴花

豔質風搖霞彩炫濃粧朝洗露華涼年年似識天中節
的的都開紫絳囊

龍舟

旗颭紅霞鼓角鳴昔年競渡尚傳名愍忠更復懷殷鑒
戀主猶然弔賈生歌奏迴波雲影過棹沿芳渚浪花平
飛龍恰見天中瑞水底魚蝦漫自驚

曉涼

新蟬鳴柳岸清露滴榴房徙倚軒庭靜微吟稱物芳

進宮見路旁麥誌喜

夏雨勻霑麥有秋黃如雲擁綠如油夾途識取豐成象
稍釋祈年午夜憂

瀛臺木變石歌效李長吉體

大山穹谷崇且盤山頭鶴駐曾棲仙
峯巒嶮崿扶孱顏
金堂玉室相鉤連雲興霞蔚吐紫烟
含囊靈瑞如陶甄
靈林冥冥冠其巔其幽叢雜多桂蘭
是為天宇宅天男
乃有異木鎮厚坤
虬蒼杜松非其倫
蔽虧天日無朝昏

為舟十數皆其孫匠石却顧持斧奔水龍噴泉沃厥根
啼蛄弔月星漏痕干雲負霜枝曲卷靈鷲振翅毛羽鮮
老桂漫誇吳質眠白榆空足沈郎錢櫛櫛銀雲車盖翩
挂以雙丸繞魄淵壽比散木已有年女夷不敢司厥權
付之圓蓋全其天枝離幻作秦女焉會觀木石茲同壇
為髮為身一體全亭亭傑豎無比肩暖春生玉疑藍田
磷磷爛爛出五源女媧鍊石茲尚存傍林插巖絕攀援
竒礪詎妨山溜穿五丁不可奪其堅端州石工安足論

移來曾受海神鞭五車能上東馬牽都下傾城咸厭觀
方壺蓬島資盤桓辭山不戀山木繁瓊臺璿室何九九
果惡風叫露掌寒漢唐池館今依然為薪非火悟火傳
題金昆等所繪慶豐圖

午夜月輪團皇都萬景攢玉樓延漏永火樹奪春寒香
米蛆兒泛銀箏趙女彈可誇豐豫象只合畫中看

題余省倣林椿四季梅

梅椿杜鵑

松竹參差處，韶華醞釀中。子規猶未識，啼怨口流紅。

梅花反舌

如知春信至，日日喚春來。遙指能消渴，殘英已貼苔。

青梅畫眉

閒却平陽筆，幽林借一枝。髻鬢金衣鳥，含桃欲嚙時。

黃梅翠雀

五月熟梅雨，三巴浣翠溪。無言類桃李，消得也成蹊。

初熱

朱日纔當砌薰風不到開消煩裁綺句祛暑御水紈榴
火紅猶重苔文綠未乾遙憐耕作者炙背正忘餐

泛舟見荷花初開

重探芳叢泛御湖清和瀛海即清都何須畫裏徐蕪李
不染人間紫與朱六月春光花有信一枝風韻露凝珠
恰如洛浦初逢處未許身邊小玉扶

湖上

湖上風來晚正涼船牕不斷芰荷香亭臺倒影搖空碧

金匱要略卷五
卷五
鳧雁歸飛帶夕陽
梧几縹緗清滌暑
冰盤桃李翠生霜
徘徊却待玉輪上
綺句閒吟夜未央

螢

乍見飛螢出流光
繞砌庭明偏依夕
月點似列疎星雨
濕天猶暑風薰草
正青何來動秋思
幽咏為延停

夾竹桃

竹比丰標桃比芳
因風只少透惟香
河陽縣裏元都觀
髣髴劉郎會阮郎

載月舫

荷洲菖浦相參差，車螢莊蝶翩飛霞。光抹天雲漏月
載以扁舟任所之，舟行月送夕復夕。露滿金盤珠色白
水輪不改舊年光，誰道流年如過隙。過隙流年去復周
今年秋是去年秋，閒情逸思都排遣。一曲清歌盪槩遊
登賞遇樓疊前韻

為有松為蓋，因依石作齋。雲烟生砌潤，山翠入牕佳。綠
野咸供望，丹梯即此階。拈毫抒逸興，至樂傲無懷。

玉泉山題觀音洞

象脅林園遍大千偶然跌坐在山巔壺中弱水三千尺

洞中石穴深杳欲窮其境者皆為水而阻若箇能撐無底船

古香齋題壁

書屋誠清絕翛然水石邊時來聽泉響獨坐愛巖懸日
永人偏靜齋深爽更延忘言翻舊卷髻髻話當年

捕魚

幾暇乘舟學捕魚施罾濺濺礙芙蓉鯉鯉留取鯤鮪放

却為西湖蓄有餘

喜晴

西北風來夏亦涼
北牕初啓學義皇
片雲歸岫日光漏
濕潤侵階花氣香
雨足已滋禾壟綠
晴開欲晒麥疇黃
華胥入夢非關夢
後樂先夏意正長

覽歷代名臣奏議

念重居天位心殷補衮臣
嘉言陳典籍碩畫贊絃綸
常得懷前鑒還如對古人
翻書清晝永祛暑長精神

治圃

爽風驅片雲，高空收急雨。颯然衣袂涼，徘徊不知暑。幾
餘罷吟拈，緩步看治圃。圃師雖鄙言，其言乃可取。曰：予
學灌園頗，亦歷年所。手足為胼胝，膏支常偃僂。寒汲泉
底水，熱耨隴頭土。夙興而夜寐，力作良辛苦。然余有所
幸，賦質本椎魯。既不識詩書，詎復諳工賈。利鮮害亦稀，
老此不能去。

河南巡撫雅爾圖奏進新麥

琴撫南薰日正長
封題新麥白如霜
倚吟不為供晨膳
遙喜千家餅餌香

月

穿林含素影入水漾金波
蘆岸蒼茫夕漁舟欵乃歌
砧寒愁越女簫咽泣秦娥
似喜高人賞流光照獨哦

喜子

喜子張羅網蠅蝶為其食
在戶似處堂跂脉頗自得
有童持長竿捕之不費力
纔喜口腹飽旋遭身命殛
物理

有如此觸目堪歎息

日永

日永常披卷堂深鎮下簾
蟬聲從嘒嘒花氣自纖纖
苔潤階生篆雲開峯露尖
徘徊忘物我不覺暑風炎

玉泉山羅漢洞勒壁

石室苔痕古探幽步屨頻
到山清念慮當戶足松筠
此地堪消夏忘言禮應真
靈泉千古澈不必更尋津

靜明園即景

樹自菁葱花自妍青山當戶足雲煙遊因避暑常携卷
坐愛烹茶每就泉風度鐘聲來嶺外鳥啣果實落階前
乘閒更上西岩閣樂在桑郊稻壠邊

題郎世寧畫馬

伯樂今難遇誰空冀北羣橫風嘶逸韻意氣欲凌雲

剪蔬

雨畦煙甲茁珠露垂闌干綠潤披微風生意何翩翩圃
師為剪摘聊復憑欄看翠痕應手折香霏齒頰寒采采

已盈筐適可供盤餐仍復留新穎用以待滋蕃鄙事足
會心高吟興未闌

採蓮曲

薰風拂池塘明霞映洲渚盪漾木蘭船採蓮不知暑蓮
花如錦葉如蓋芳香自送搖清籟疑有天孫為弄梭不
然洛浦飄衣帶採蓮採蓮夏復秋青青葦岸忽白頭徘
徊不覺露華濕獨喜紅芳載滿舟

御製詩初集卷五

欽定四庫全書

御製詩初集卷六

古今體一百十五首

辛酉二

皇考御書摹成頒賜羣臣

代邸揮毫日晴軒飛白時騰驥龍鳳勢灑落玉珠姿力
運十鈞重神開萬象怡

幾餘懲物玩

宸藻麗天垂拜

賜恩如昨趨

庭念在茲貞珉傳萬禩捧視淚交頤

望西山

迤邐西峯翠靄侵紗幬閒凭散幽襟無心最喜雲生岫
得句多因座對峯黛色烟光相菴畫卧遊靜賞當登臨
晚來蘭若僧方定遙想踈鐘度遠林

讀杜子美集

太羹有至味黃鐘具元音之子誠忠愛遺編足探尋憂

懷匡社稷逸志託山林諷讀消長夏悠然獲我心

夜雨寄興

綠窗昨晚水輪上睡餘漸覺桃笙爽一夜風吹夢裏聲
零零浙浙芭蕉響

松花石屏歌

卞璞蘭崖紛縱橫錦囊寶匱絨瑤瑛坐令玩物喪厥志
楚賈吳商空復情松花之源產石子

松花江自長白山而流

由來

王氣常鍾美含奇韞靈正此時疑有烟雲繞江水製為

石屏勝荆玉非誇雕琢誇淳樸慎勿蔽彼賢慎勿遮吾
目但令長陪几席間直者見直曲者曲

雨後園林即景

宿雨初收天似洗閒庭獨坐夏如秋一聲蟬噪林中度
兩箇鷗眠水上浮地學蓬瀛塵自遠身依泉石興偏幽
更憐綠野茫茫象稍解祈年午夜憂

梔子花

暑雨初晴處薰風細度時麝蘭輸馥郁冰玉想丰姿影

向疎間好香因靜裏知依稀
椽破蕾壓雪一枝枝

勤政殿

閭闔風和繞翠微
紫軒花氣暖晴暉
波含素影澄心鏡
魚躍清淵識道機
懷儉每思文罷館
阜財常仰舜彈徽
幾餘擬駕遊春輦
恐惜分陰心事違

月夜泛舟

晚涼微雨過
載月泛蘭舸
柳度朦朧影
牕搖潋灩波
光因秋近皎
詩向望中多
風送清香細
依稀數點荷

階前羣英粲然已作秋色感而有作時六月十六

日也

朱明皓魄已三圓消息秋來孰與傳恰有羣芳紛檻外
漸省涼意到階前因風從色踈偏妙浥露含芬靜轉妍
彈指漫驚駒過隙惜陰還檢舊時編

暮花

臨水參差影搖風綽約散霞光不爭爛秋信與添紅踈
景供幽覽分陰類轉逢文鱗澆瀉處掩映鏡波中

夏日遣興

北牕初啓處，徙倚趣微涼。
花木暢生意，山川媚素光。
堂深愛暑遠，人靜覺天長。
插架三千卷，因風散古香。

夜夜曲

明月照我室，清風拂我床。
我思在何所，伊人水一方。
清風拂我床，明月照我室。
宵尋長夜歡，支枕誦無逸。
無逸支枕誦，展轉念民依。
孰飢予，缺食孰寒予，鮮衣
飢寒切中人，何事不可有。
頽風日以滋，吁嗟誰之咎。

秋意

轉眼寒光散月華
侵尋涼意透牕紗
閒庭氣爽秋無價
曲岸風搖荻有花
蛩響依稀啼舊怨
水痕澹瀲露新沙
流陰遞莫驚如駛
綺句親裁趣轉賒

六月二十六日立秋

秋信夜來傳
秋光故可憐
蟬聲稀柳外
日影到牕前
宿暑風催遠
寒芳露浥鮮
朝來憑賞處
不覺歎流年

立秋夜聞蛩

六月二十六日夜解衣支枕方就眠
倏訝金風西北來
紗幮水簟相新鮮
展轉欲眠不得更聽初蛩聲唧唧
吁嗟秋信太分明
舉首高空銀漢白露下閒階
浥亂英寒吟斷續紛空庭
何處刀環唱戍士誰家砧杵鳴村垌
秋思逗漏誠無那
桃笙翻雪披衣坐
何必春駒學夢莊
愛渠亦復周旋我

初秋曲

金風拂水玻璃開
一天爽氣隨秋來
荷洲褪紅香寂寞

蘆岸添白花徘徊雲烟盡斂高空迴翠微遙接新秋影
蘭若鐘聲晚益清虛堂吟罷人方靜月色霞光漾御湖
平波點點翔歸鳧星斗隨舟手可摘園林入興詩堪圖
此景除却蓬瀛無

賦得秋日懸清光

日近秋逾皎天因爽更空不教遞薄霧訝許蕩清風影
透延涼牖光踈落葉桐遲遲添玉漏皜皜麈璇穹溽暑
全消濕殘芳尚結叢勅幾常惕若珍重寸陰中

題卧遊書室

船也

太液微風漾輕舟任所之可知娛目地總是讀書時
比德觀荷芰忘機狎鷺鷥卧遊者未足烟景座中移

御園新秋

無邊素景澄虛宇一派清光媚遠川
梧影蕭疎風過處漸看涼意到階前

柳外蟬聲晚益暄似爭餘暑向秋園
明霞剛抹西峯頂乍喜新蟾照滿軒

平湖紅綴數枝荷
美棹清流偶一過
賸有餘芳風信度
半歌殘蓋露珠多

數畦綠水稻風香
却喜西成屆白藏
半載雨暘經較量
宵教遊豫暫時忘

迎涼臺榭即仙壺
隔樹流鶯三兩呼
秋蚤風光似春暮
祇饒仙掌露華濡

歌枕蛩聲入耳頻
水帷翠簟淨無塵
此夕榆關明月下
刀環悲唱定誰人

晚荷曲

金風披拂太液池池中芰荷疑先知殘芳亞波紛錯落
餘香猶逐雙鳧飛雙鳧飛下平湖淨翱翔似戀明粧靚
翠蓋饒擎露顆多紅葩却讓霞光映我來池上弄秋水
南華妙意差堪擬何必對景惜韶光山華陸葉俱如此

新月詞

蕭梧踈柳枝差參一鈎恰露初秋蟾榆天流彩冷天色
照我高軒之素檐階蛩唧唧吟寒夕露下金盤色浮白

的皦清光映綺牕
依微涼氣侵瑤席
年來贏得秋思深
桂輪獨對凭闌吟
何必拈花悟指月
昔非昔月今猶今
初秋玉泉山

山翠引鳴鑣
波紋蕩畫橈
秋清望愈遠
歲稔樂偏饒
雲斂天光迴
林踈峯勢遙
倉箱者在即
稍可慰衣宵

夾岸殘蟬沸
輕舟數里過
黃新亞畦稻
紅老貼波荷
花木芳心歇
乾坤秋意多
拈毫抒逸興
莫漫惜蹉跎

聽唐侃彈琴

蕭森梧竹含秋清銀猊吐篆縈風輕虛堂萬籟俱闐寂
唐侃琴搯鏘鏘鳴一彈再撫餘音杳松風水月襟懷渺
孤鶴橫空唳一聲絲絲弱竹喧羣鳥

蓼花紅

蓼花紅蘆花白緋桃雪梨無顏色草木芳榮各有時韶
華一去不復追君不見大禹惜陰爭一寸吁嗟老大將
何為

秋牕夜雨

秋牕一夜雨纖纖點滴階梧伴黑甜明曉輕衫纔試處
料來涼意幾多添

秋日御園即景

臺館含秋爽衣衫切曉涼亂荷紅帶紫踈柳綠蕪黃砌
草藏蛩語池波印鴈行憑欄無限喜千頃稻風香

清河道中

始發清河道將為塞上行看山青覺近問路景如迎風
爽催征轡雲光獵綵旌所思明舊制豈為騁遊情

途次見西成有象喜而有作

暑雨祁寒苦怨咨
金風玉露屆秋時
最欣比櫛村村象
恰向征途歷歷知
場圃却聽耒亂響
原田還看穗多遺
歲豐更切乾乾意
肯為從禽志少移

淋溝行宮夜雨寄懷

方欣細雨滋秋麥
却慮長途跋涉艱
支枕清吟消冷夜
可知憂樂每循環

晴

雲氣依山斂風聲傍柳生一川秋日朗萬里太虛晴策
馬涼迎袖鳴鑿爽拂旌尤欣白露近麥壟耆重耕

即事

祖德由來日月垂纘承常切大艱遺白頭父老相逢話
能說

先朝輦過時

憶昔

憶昔髫年此地過於今壯大事如何探源未見門墻與

撫序猶驚日月蹉

黃花路

午過黃花路桃源別有津
秋山藏野塢村犬吠行人
撫字期良吏驅馳戒武臣
塵懷在閭里三代此遺民

懷柔縣

山圍古郡富耕桑此地前朝是戰場
四海懷柔原在德由來禮義固金湯

三秋時序萬寶告成命駕出口巡狩遵

祖制也經過州縣百姓扶老携幼歡呼夾路閭閻之間
戶有蓋藏場多稌穗深愜朕志爰下詔蠲免田
租以示嘉惠元元之意

武備由來重時巡意更深當秋排法駕預日足甘霖旭
耀旌旗影風傳鼓角音停鑿問農事獻曝見民心戶有
倉箱積人多樂豫吟輿情猶似昔

祖德到於今解澤心無吝紹

庭志倍欽茲行當黽勉詎止為從禽

密雲道中望長城

秦時闔堞漢時山總為天驕守禦艱此日長城為苑囿
三秋巡狩數經還

野老

野老扶兒望六驄羽林呼警莫忽忽欲知暑雨祁寒意
已在先憂後樂中

露

曉起催征轡秋原玉露灑凝珠看更白著草漸添黃濕

咽啼姑冷濃霏晚蕙芳馬蹄輕踏處想像即為霜

九松山

陽崖陰巘相吐吞上有千年祇樹園九松盤盤踞其頂
下臨衆木如兒孫我聞五株已成石盤山樓松餘畫蹟
此木疑被女夷鑄不然駐鶴神仙宅凌空蒼翠勢未已
停鑿幾度徘徊視庾梅渭竹空傳名閱歷滄桑惟有此

遙亭行宮晚坐

一川景物闔斜陽極目拈題興渺茫平野風寒吹稻黍

遠山日暮下牛羊
笳聲幾處梅花落
月色誰家秋思長
更剪銀燭披奏牘
憂勤那得暫時忘

夜雨

乍聞雷陣殷高天
頃刻秋霖到枕邊
點滴寒更不成寐
沾塗士卒更堪憐

南天門觀音寺遙望

古刹禮大士虛堂
息勞身旋起憑欄
望舊徑還如新谷
轉見行騎山高截
片雲是時秋始孟
綠樹猶繁紛兩山

金匱口九卷六
卷六
關仙境一路無纖塵裊裊旌旆影隱現出嶙峋逸興一
以暢轉益憂懷頓念彼隨從者跋涉良苦辛

古北口關提標兵士

鳴騶出天府停轡駐雄關雁避彎弓士熊羅執戟班堂
堂陣方勁趕趕技皆嫻詎弛忘危念猶思守德艱

常山峪行宮

憶昔髻齒際趨陪

聖祖前于今巡幸至駐蹕故宮邊湛露曾叨

澤含飴想侍

筵秋風悲此日軒屋尚當年鳥語如懷舊花香故逞妍
恩勤終古慕承顯一身肩

再疊前韻

經國猷垂後承家志繼前三秋修武備萬乘闕嚴邊勝
地停鑿御離宮啓玉筵欣逢無事日喜觀有秋年插笏
峯爭秀披圖景闢妍永懷

無競烈景仰懼難肩

曉行

滴窮玉漏夜闌干
習習金風拂曉鞍
野馬出山涼氣肅
陽烏隱樹曙光寒
孤村犬吠門猶掩
古驛人行露未乾
一幅河陽秋旅意
不須重展畫圖看

山田

禾黍芄芄遍嶺巔
停鞭欣看有秋年
版圖可識同遐邇
塞外荒山盡闢田

高原宜黍稻宜低
物土耕桑塞外齊
茶幔酒旗山抱塢

軟沙濕草水鳴溪

舊代常愁烽火驚於今此地有人耕混同中外皆天澤
倍切乾乾保泰情

耆民趙可立一百二歲笑扶兒迎謁道左尚能道
前朝事

龐眉皓髮扶鳩杖道左携兒望翠華為說平生無外慕
村居勤樸課桑麻

喀喇河屯行宮

離宮別館接岩阿，颯爽金風此一過。
勝地開軒山迤邐，經年成蔭樹婆娑。
秋濃榭葉添丹綺，雲斂峯尖矗黛螺。
猶憶當時咏

渥澤幾迴清咏愴神多

窮覽寺

招提鈴鐸午風吹，罨畫山川入望奇。
徒倚試思廿年事，苔封碑字紀康熙

灤河捕魚

野灘片片起，駕鶴盪槳中。
流樂意多髣髴，江鄉三月景。
西風紅葉小，灤河

灤河水自上，都流順水行。
如風送舟最，是關全得意。
筆蒼山野渡，正初秋。

灤陽別墅

槐柳成陰別墅開，軒庭人靜鎖莓苔。
虛牕饒織蠶蛸網，畧約猶支灩澦堆。
山卉無名偏有艷，野流東去復西迴。
兩峯雲斂高空迴，彌望川原絕點埃。

小金山

石磴臨無地，松亭面有山。
坐來階礎潤，知是白雲還。
露華泣煙蘿，攀陟窮深杳。
平臨樹杪風，下瞰孤飛鳥。
探竒如食蔗，裁句擬遊仙。
振袂一聲嘯，秋風滿碧天。
山木不知名，山雲忽作晴。
濃丹並新翠，紛錯一川明。
四圍俯碧瀾，一逕通雲棧。
猶聞琴筑聲，冷冷滴深澗。
翠微晴色好，蟲蟲濯烟髮。
何必渡揚子，即此小金山。

山行

萬壑千巖宿霧封朝曦光射見重重霜前楓色丹猶嫩霽
後山容翠更濃烟塢雲程頻借問農夫野叟每相逢愛
聽塞上傳聞語一百年來不舉烽

野渡

秋水添新漲晨光羃野烟漂波沙失岸策渡馬為船孤
汀歸鴻集寒流絕塞連蒼茫迷近遠源在白雲邊

涼

山行涼氣逼烟徑露華濡村爨寒難起峯嵐曉欲鋪丹

黃楓葉染嘹唳雁聲呼松雪傳真蹟邊關送旅圖

至博羅河屯四十八旗諸蒙古王等來接

天恩歌有歲

祖澤賴無窮巡狩三秋日趨承萬里風歡聲毳帳合佳
氣慢城通來享同遐邇咸賓混外中誠輸陳厥篚燕賜
詠敦兮永念覃敷慶懷柔倍惕衷

秉燭待章奏未至

不為巡遊懈勅幾離宮獨坐塵民依銀燭猶待封章至

鳥路應遲驛騎飛
風晨爐香移夜漏
月明虎帳正宵衣
今秋稍解祈年慮
遍野黃雲擁六駝

新月

山靜秋深新月小
楸梧風動鷺栖鳥
羣牧馬聽人呼
唧唧蛩音泣
寒草猶憶
去年太液池
金波搖漾光琉璃
飛觴沸管詎不樂
風餐露宿將何為
將何為清歌一曲
有所思

過蒙古諸部

金川口
卷六
岩華峰葉雜丹黃塞上那知道路長霜滿寒林山柿冷
煙生毳帳酪酥香伊歌度曲聞駝背羽箭翻弓射雁行
諸部賢王顯首望隨行爭羨羽林郎

風來谷口捲雲晴沙漠霜華射眼明冷逼叢林鹿聲壯
寒侵淺草馬蹄輕圍成馳射皆驍騎宴罷歡呼達網城
服食舊稱方物貢酪漿乳餅總輸誠

塞上曉行

馬踏霜華怯曉寒聲聲傳警列材官潺湲溪水行行渡

罨畫山峯面面相壯士試開弓五石高人猶卧日三竿
昇平閔武兼巡狩觸目吟懷興未闌

觀漁

伊邈河水秋日澄伊邈河岸秋風清岸側停鞭聊復憇
但見波光日影爭晶明漁人弄網中流迎駕鶩雁鴨驚
飛鳴我聞任公獨垂釣不釣鯤鯨釣長鯨湯網祝禽未
祝魚涓濱無乃存空名不如乘興觀漁樂興盡輒逝無
留停涼颺獵獵催歸轡鳶魚飛躍隨其情

秋夜聞雁

龍堆月白雁聲寒
羶屋清宵玉漏殘
憶昨題詩坐松樹
深秋見爾落沙灘
早乘霜露傳邊信
夜度星河避彈丸
此日賢王爭扈從
不須書寄漢廷看

關山月

關山月秋倍明
塞楓磧草涼
颼生皎皎懸空漠
海白沙
蛩霜雁寒聲并
關山月今異昔
烽烟久靖田疇闢
不似
當年戍卒憶家鄉
亦或戰場覆沒孤
魂魄關山月昔異

今即今秋蒐乘興惟閒吟前車堪作後車鑿持盈保泰
惕予心

霧

密鎖千林樹迷離暗曉光乍看平野白却失遠山蒼捲
速全消日收遲為護霜

塞上霧多則霜降遲

停鞭遙望處添得幾

峰黃

獵

秋蒐文囿是王庭

祖澤貽今赫濯靈桓赴健兒身掠鷄驃姚車騎箭流星
龍堆露冷鳴蒼鹿沙塞風高語白翎大兕小狝親射得
駝峰高架進

慈寧

馬上吟

白雲紅樹闔清秋盤鬱層巒紫翠浮霧捲馬頭山忽見
橋臨谷口水微流停鞭愛看邊鴻度隔峪時聞野鹿呦
笑我耽詩猶喜獵每逢佳景輿偏留

紅葉

萬幅屏開積翠嵐
霜林點綴正紅酣
喻言未覺朱輪紫
比色何妨青出藍
訝許陶鎔稱杜牧
那曾名狀紀嵇含
傳神除是關仝筆
極目渾忘駐六驂

秋日奉

皇太后口外行圍

列塞騰千騎
三秋駕六飛
校蒐遵

祖制問寢奉

慈闈纚纚田車好祁祁原獸肥金風如有意爽氣襲征衣

代是熙和候秋當獮狩時風雲森羽衛物象擁旌旗皎日曛曛照涼颼左右吹近光多父老前導莫驅馳

秋原零白露羣鹿應時鳴駭野車徒勝彌川草木平祇期軍律整無取大庖盈誰獻長楊賦臨風憶客卿

暮色滿平川行宮景物妍砌蛩喧此夕梧月照當年皇祖曾停蹕孫臣獲侍筵幾多承雨露追想倍悽然

行漏催寒夜銀縈虎帳懸霜笳鳴塞上星斗掛天邊牧
馬聞呼聚飛鴻列陣旋禽荒曾有戒無逸誦終篇

當秋鷹羽疾度塞馬蹄輕目極山川秀詩含草木清天
高雲帶影風勁壑傳聲更值西成好沿途喜氣迎

閱馬

上都

即元上都地

益海

答不遜腦兒即漢言益海也

地寬平芻牧年年龍

種生此日材官羣
尾蹕當秋田馬並
銜聲雲岡萬隊鋪
霞錦露草千蹄踏
玉英侍從藩玉咸
眩目空懷少傅作

歌情

中秋夜對月

崖巔升玉魄流彩座中移明是今宵甚看尤邊塞宜桂
香初想處笳韻未終時猶憶幃城外秋思動者誰

塞上秋

塞遠朝逾冷霜濃晚倍晴千山紛葉落萬籟怒秋聲雲
淨天容濶秋澄眼界明御風懷列子襟袖颯然清

夜靜讀書

日暮促歸鞍，龍堆夜氣寒。
銀燭輝幔屋，玉魄上槍竿。
嶺也
把卷光明映，忘言子細看。
邊笳忽吹動，幾處落梅殘。

將軍塔爾岱久著勤勞，養年私第，今聞朕出口行圍，不辭勞瘁而來，詩以賜之。

百戰歸來矍鑠身，凌烟姓氏竟誰倫。
養閒合適林中趣，憐爾仍隨輦後塵。
赫奕虎符叨寵舊，輝煌竹簡紀功新。
為詢閱歷疆場事，幾度聞之塵念頻。

塞上行

綠含眉黛遠山斜
點綴楓林襯彩霞
莫遣寒笳吹玉塞
更裁新句詠龍沙

野田積土有人耕
蕎麥收時秋麥生
謾道貳師能闢地
當年空築受降城

塞上中秋月似霜
牧羣歌起疊伊涼
歸駝都載新蒐鹿
絕少征人夜望鄉

荒山時見有城闌
舊話翻驚入聽新
自是太平無戰伐
莫教歡樂忘艱辛

秋山

秋山雨霽別穠纖觸目詩題逐便拈落葉風前自瀟灑
野蔬霜後更清甜磧程遼濶行行遠樹色丹黃日日添
射獵歸來迴望處紅霞猶遠數峯尖

聞畿輔雨澤霑足喜而有作

六飛迤邐閱西成已慰祈年午夜情封奏更聞霑溼澤
郊原秋麥想新耕

古木

古木歷歲月孫枝歇芳鮮何年劫火餘橫卧山之巔生
意既寂滅枯榦猶曲卷其長勁矢過其圍合抱圓不為
樛棟材乃以全其天徙倚興吟懷妙理然乎然

賜蒙古諸王公等宴

屏藩伊古重遐邇迄今同巡狩邊關外趨陪禮法中恩
胥叨列土親不異分桐三爵應須遍周行實可崇詩猶
歌湛露騷豈擅雄風永念協和治乾乾倍省躬

迴鑿

盤遊有度慎三驅翠嶺蒼崖輦路紆指日榆關迴蹕處
重省秋壘綠添蘓

落葉

西風吹萬如鳴管剪緋纈絹千林滿霜晨丹紫正蕭蕭
夕陽鴉鵲何纂纂却憶三春綠陰濃一朝萎謝無留蹤
徘徊不為歎搖落愛者蒼翠秋山容

塞外落葉松歌

我聞松柏有本性經春不榮冬不凋此木亦被松之名

當秋葉落何刁刁，凌空足有偃蓋枝。詎無盤屈傲霜條，
或云塞外節候殊，千林隕蘂秋寂寥。嚴寒栗烈異徂徠，
故應落葉紛蕭蕭。我聞此語增歎息，古來志士不易憐。
因地寒，暖燮節，檠蒼松，何以殊蓬蒿。此木非松，冒松名，
千秋定論應難逃。

塞上秋景

盧龍風日寒，况復臨素節。芸黃帶露稀，峰翠經霜潔。宇
空雲影淡，流冷泉聲咽。夙志慕高濂，清對此聊怡悅。

霧行

霧行那識山程遠
鳥道羊腸望轉紆
却似阮劉迷洞口
不知咫尺是方壺

晴

雲開山露翠
霜重樹添黃
北望塞千里
南飛雁一行
馬蹄歸路疾
詩思客途長
去去龍堆遠
微吟興渺茫

馬上口號

蕎麥收時秋麥青
駸駸羽騎別龍坳
一川郊墅靜朝旭

四面峯巒展畫屏

於章古台作

畋餘迴六轡行行歷村落
暝日懸秋空虛籟吟幽壑
萬畝綠含菲千林黃隕穉
田饒隸穗遺戶有倉箱樂覽茲
一開顏幾多民命托

雨

油雲迷遠岫急雨落平川
飛迴如噴玉懸岩似響泉
待晴開幔屋撫景擘花牋
返照呈新霽山原轉淨妍



御製詩初集卷六